

## Հ Ա Շ Վ Ե Տ Վ ՈՒ Թ Յ ՈՒ Ն

2024թ. դեկտեմբերի 16-ից 20-ը ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոնի (CCAMTAC) կողմից կազմակերպված «Միջազգային հարկային վարչարարության կառավարում» թեմայով աշխատաժողովին մասնակցելու նպատակով քաղաք Ալմաթի գործուղման արդյունքների մասին

### 1. Անունը, ազգանունը, զբաղեցրած պաշտոնը

1) Աշոտ Միրումյան, ՀՀ պետական եկամուտների կոմիտեի վարչարարության մեթոդաբանության և ընթացակարգերի վարչության հարկերի և պարտադիր վճարների մեթոդաբանության թիվ 1 բաժնի ավագ հարկային տեսուչ,

2) Էմմա Խանգելոյան, ՀՀ պետական եկամուտների կոմիտեի համալիր հարկային ստուգումների վարչության տրանսֆերային գնագոյացման և հարկային համաձայնագրերի կիրառման բաժնի գլխավոր հարկային տեսուչ:

### 2. Գործուղման վայրը և ժամկետները՝

Ղազախստանի Հանրապետություն, ք. Ալմաթի 2024թ. դեկտեմբերի 16-ից 20-ը:

### 3. Հրավիրող կողմը՝

ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոն (CCAMTAC):

### 4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Գործուղման նպատակն էր մասնակցել «Միջազգային հարկային վարչարարության կառավարում» թեմայով աշխատաժողովին: Աշխատաժողովը միտված էր միջազգային հարկային քաղաքականության և վարչարարության մասով հաճախակի հանդիպող և նոր ձևավորվող խնդիրների լուծման տարբերակներին, միջազգային հարկային քաղաքականության և վարչարարության ռազմավարության ձևավորմանը, համապատասխանության ռիսկերի կիրառ-

մանը, ստուգումների և տեղեկությունների փոխանակման բարելավման ուղղություններին, ինչպես նաև հարկային օրենսդրության և ընթացակարգերի կիրառման ընթացքում ծագող հիմնախնդիրների բացահայտմանը և դրանց վերացմանն ուղղված արդյունավետ աշխատանքների կատարմանը:

Աշխատաժողովին մասնակցող տարածաշրջանային 8 երկրների հետ իրականացվել են փոխադարձ քննարկումներ: Ուստի հանդիպումն աչքի էր ընկնում բովանդակալից ակտիվ քննարկումներով, երկրների հարկային փորձի փոխանակմամբ, խնդիրների առաջադրումներով և փոխադարձ շփումներով: Տարածաշրջանային երկրների ներկայացուցիչների, ինչպես նաև ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոնի (CCAMTAC) ներկայացուցիչների հետ քննարկվել են երկրների ներքին և արտաքին հարկման կարգավորումներին և առանձնահատկություններին ուղղված հարցեր:

Հանդիպման աշխատանքային լեզուն անգլերենն էր:

## **5. Քննարկված թեմաները՝**

Աշխատաժողովի շրջանակներում մանրամասն քննարկվել են հետևյալ թեմաները՝

1) Միջազգային հարկային վարչարարության կարևորությունը, դրա բաղադրիչները, զարգացող երկրներում առաջացող մարտահրավերները և ներկայիս միջազգային հարկման միտումները,

2) Միջազգային հարկային պլանավորման և համապատասխանության ռիսկերի հիմնական ոլորտները,

3) Միջազգային հարկային վարչարարության ռազմավարական և գործառնական ճանապարհային քարտեզի կազմումը,

4) Ժամանակակից համապատասխանության ռիսկի կառավարումը, դրանց շրջանակները և գործընթացները, ինչպես նաև համապատասխանության ռիսկի կիրառումը զարգացող և զարգացած երկրներում,

5) Անդրսահմանային (cross-border) գործառնությունների մասով ստուգումների և ուսումնասիրությունների արդյունավետ իրականացմանն ուղղված ծրագրի մշակումը, ստուգման գործընթացները,

6) Տրանսֆերային գնագոյացման և միջազգային հարկային ստուգումների հիմնական հաջողության գործոնները,

7) Գործողություն երկուսի (Pillar Two) լուծումների ներկայացումը և համաշխարհային նվազագույն հարկի կիրառման շրջանակները,

8) Գործողություն երկուսի (Pillar Two) կիրառումը միջազգային առևտրի ոլորտում, ինչպես նաև Գործողություն երկուս (Pillar Two) կիրառող երկրների փորձը և վերջինիս զարգացման ընթացքում առաջացող խնդիրներն ու դրանց լուծումները:

### **6. Հանդիպումները, ելույթները, բարձրացված կամ քննարկված հարցերը՝**

Ելույթներ ունեցան Միացյալ Թագավորության, Հարավային Աֆրիկայի, Բելգիայի, ինչպես նաև ԱՄՀ-ի կողմից որպես փորձագետներ ներգրավված ԱՄՆ-ի, Ավստրալիայի և Դանիայի ներկայացուցիչները:

Աշխատաժողովը վարող մասնագետների ելույթները բազմաբնույթ էին և արտացոլում էին այդ երկրներում միջազգային հարկման և դրանց համապատասխանության ռիսկերի կառավարմանը հարող խնդիրներն ու դրանց լուծումների փորձը: Աշխատաժողովի թեմաները ներկայացվեցին 5 օրերի ընթացքում՝ յուրաքանչյուր օրվա ավարտին հարց և պատասխանների միջոցով ամփոփելով տվյալ նյութերի բովանդակությունը:

Մասնակցություն ենք ունեցել բոլոր պանելային քննարկումներին, որոնցից գրեթե բոլորում ներկայացրել ենք Հայաստանի Հանրապետությունում կիրառվող հարկային կարգավորումները, ինչպես նաև Հայաստանի Հանրապետությունում օրենսդրության մշակման և իրավական ակտերի ընդունման գործընթացը:

### **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Հանդիպումը կրում էր խորհրդատվական և ուսուցողական նպատակ, ուստի որևէ փաստաթղթի ստորագրում նախատեսված չէր:

Դասընթացի ավարտին ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոնի (CCAMTAC) կողմից մասնակիցները արժանացել են հավաստագրերի՝ «Միջազգային հարկային վարչարարության կառավարում» թեմայով դասընթացը հաջողությամբ ավարտելու կապակցությամբ:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Աշխատաժողովին մասնակցելը հնարավորություն տվեց հաստատել միջազգային կապեր համապատասխան ոլորտի օտարերկրյա գործընկերների և փորձագետների հետ, ծանոթանալ վերջիններիս միջազգային հարկային հարաբերությունների լավագույն փորձին, ինչը կարող է նպաստել ՀՀ ՊԵԿ գործառույթների արդյունավետության բարձրացմանը:

**9. Ստորագրությունը, ամսաթիվը**

Աշոտ Միրումյան՝

Էմմա Խանգելյան՝

24.12.2024թ.